



Malene Vahl Rasmussen
Inatsisartuni ilaasortaq, Demokraatit

§37 naapertorlugu apeqquaqatip 265/2018 –iup akissuteqarfingeqarnera

16-10-2018
Sags nr. 2018 - 20253
Akt nr. 8964690

1. **DIH tamakkiisumik ingerlasoq Naalakkersuisut qanoq isumaqartippaat? Akissut sukumiisumik tunngavilersoqquneqarpoq.**

Akissut:

Napparsimavissuaq tamakkiisumik ingerlasutut isiginiarneqartarpoq uninngaviit tamarmik atorpeqarsinnaatillugit naammattunillu tigooraasinnaasunik, misissuisinnaasunik nakorsaasinnaasunik kiisalu pinasuartumik nakorsiartunik pilersaarutillu malillugit nakorsiartunik nakorsiartitsinnaasunik sulisussaqaqarunik.

Postboks 1160
Tlf: 34 50 00
Fax: 34 55 05
3900 Nuuk

Email: pn@nanoq.gl
www.naalakkersuisut.gl

2. **§ 37 naapertorlugu apeqqutinni 188/2018-mi apeqqutima arfineq-aappaannut akissumminni Naalakkersuisut oqaatigaat, septembarip aallartisimalernerani sulisussarsiortarnermut sulisoreersullu tigummiinnartarnissaannut pilersaarusioreersimassallutik. Pilersaarut pineqartoq naammassereerpa? Taamaassimappat pilersaarut uunga allakkamut ilanngussatut nassiuteqquneqarpoq.**

Akissut:

Oqaatigisinnaavarput sulisussarsiortarnermut tunngatillugu pilersaarusiaq qaammatini tulliuuttuni suliarineqassamat. Oktobarip aallaqqaataa aallarnerfigalugu suliniummut ingerlatsisussamik atorfinitsitsisoqarnikuuvoq, pilersaarusiamequllu tunngatillugu taanna suleqataasussaalluni.

3. **§ 37 naapertorlugu apeqqutinni 188/2018-mi apeqqutima aappaanut akissummi oqaatigineqarpoq sapaatip akunnerisa 37-ata kingorna naammattunik sulisoqalerumaartoq taamaattumillu napparsimasut passutassat pilersaarutaareersut kiisalu tassanngaannartumik passutassaangitsut katsorsarneqarsinnaalerumaartut, tassunga atatillugu paaserusuppara, siniffiit atorunnaarnikuugaluartut atoqqilersimanersut?**

Akissut:

Dronning Ingridip Napparsimavissuani nakorsianik passusisinnaasunik sulisussanik pisariaqartitsisoqarnera peqqutaalluni siniffiit atorunnaarnikuugaluartut atorneqaaqqissinnaalissapput:

- K2-mi sapaatip akunnera 40-mi
- K1-imi sapaatip akimmera 43-mi

4. **Inuit qassit inuit allattorsimaffianniippat aamma pilattaanerit imaluunniit nakorsiarnerit suut pineqarpat?**

Akissut:

Oktobarip aallaqqaataa 2018-imi pilattaasunut utaqqisut nalunaarsorsimaffianni inuit 4.142-rut nalunaarsorneqarsimapput. Allattorsimaffimmiittut 2447-ii Dronning Ingridip Napparsimavissuani nakorsiartussatut nalunaarsorneqarsimapput, 1695-illu piffinni nakorsaqaqfinni immikkut ilisimasalinnit takuneqassallutik.

Nakorsiat utaqqisut nalunaarsorfianni nalunaarsorneqarsimasut assigiinngitsutigut peqqinnissaqaqfimmi suliaritittussatut, nalilersugassatut, misissugassatut assigisaatullu nakorsiartussatut nalunaarsorneqarsimapput.

5. Utaqqisuni allassimasut qassiunissaat takorloorneqarpa DIH tamakkiisumik ingerlalerpat aamma pilattaanernut imaluunniit nakorsiniarnissanut utaqqisut qassiusimappat sulisunik amingaateqarnerujussuup nalaani?

Akissut:

Nakorsiat pinarsuartumik ajornartorsiutillit imaluunniit arlaatigut innarluutaasinnaasunik nakorsiassuteqartut erngertumik nakorsiertinneqarnissaat pisarpoq, tamannalu pisarpoq Dronning Ingridip Napparsimavissua tamakkiisumik ingerlanngikkaluartoq sulisunilluunniit amingaateqaraluartoq.

Utaqqinissap sivissusaanut apeqqutaajuaannarpoq suliat qanoq amerlassuseqarnerisut kiisalu innersuunneqartut nutaat qanoq amerlatiginersut taamaattumik apeqquteqartumut ersarinnerusumik akissuteqartoqarsinnaanngilaq.

6. DIH-mi nakorsat aalajangersimasumik atorfillit 50-iusut akornanni qassit immikkut piginnaanngorsarnikuuppat aamma taakku immikkut piginnaanngorsarfigisimasatik naliginnaasumik aalluppaat?

Akissut:

DIN-mi nakorsat aalajangersimasumik atorfillit 50-iunngillat. Maannakkumut DIN-mi nakorsat atorfillit 50-it missaanniipput. Taakkua akornanni nakorsat aalajangersimasumik atorfillit 15-iupput, sinneruttullu qaammatip ataatsip ukiullu affaata missaani atorfeqartarlutik.

DIN-mi nakorsat immikkut ilisimasallit 32-iupput, sinnerilu reservelægeullutik. Kalaallit Nunaanni periarfissaanngilaq immikkut ilisimasaqarfigisap iluani kisimi suliaqarsinnaaneq. Assersuutigalugu uummatinut immikkut ilisimasalik nakorsaateqarnerup iluani tamakkiisumik suliaqartarpoq.

Inussiarnersumik inuulluaqqusillunga
Med venlig hilsen

Doris J. Jensen